



孔君方別駕惠

闕里誌檜圖志謝

有并

樞山居養母分不敢一刺當事聞孔公聖裔也官茲土嚮往久之
老友雲門稱述不置口閱年餘惠闕里誌檜圖至捧詣先師主
前再拜受以聖人家法在焉樞年四十有七未嘗一至魯邦瞻
廟貌戊戌歲都門與友人講孟子盡心知性章是夜夢青衣儒絛
高中者二人導入廟立殿門闕內令跪拜兼古今儀象先師賜
飯一盂謝畢二人導謁四賢祠顏子曾子同龕竝坐子思子降一
龕獨坐孟子別龕側坐呼樞名語至再二人復導之出覺遂記之
歸里如前夢祀於授經堂朝夕對越今視誌圖規模宛然惟四賢
坐次差異耳殆所謂羹牆寤寐者非耶嗚乎先師不夢見周公
自嘆其衰樞夢見先師暨諸賢幸而未衰究恐虛生浪死爲孔
門罪人得無夢寐乎率
成一律以報聖裔云

尼山家法杳難追萬古綱常是我師血脉天歸孔子
系羹牆夢繞大成祠渾疑簡冊非無故一溯淵源已
在茲珍重瑤函羞欲死平生那敢告君知

寄懷李吉津先生

紫塞風高雁影寒先生何日返朝端
懷沙未許孤臣賦鵬鳥曾聞素友嘆

昭華龍袞
天中俱亡

北望金臺多駿骨東臨

滄海一漁竿 先皇舊德終難報
遼左於今說幼安

苗大生督府枉顧賦謝

擁節行邊素雨秋北門鎖鑰見風流
冰衡舊領山公署甲帳新添叔子裘
故想清班聯牙角曾陪高議集
龍樓停車若問山中事菽水歡然托壯猷

老母七十五誕日紀事

癸卯

昨歲悲傷劇今年步履艱緩行
庭院裏須駕板輿還

板輿如小椅下有四
輪兒孫推挽而行

二

菜粥方辰啜

以菜和
粥也

臠羹下午茶

羹湯切
麪也

兩盂難運化尚

藉保和丸

三

崩中醫者諱結燥老人常滋潤兼清補
經年無驗方

四

進觴鄉俗好貧富豈能齊為謝親隣意
休將酒榼携

刁蒙吉先生索詩壽熊母兼寄熊恕叟
邠州

維昔言游氏武城得子羽吏道與士風
芳軌邁千古

卯侯楚名家吳地相接武下車問民情異政紛難數
頑懦可以興伊誰奉規矩式茲卓行人居是邦之主
造膝潛室中顏曾世復覩肅然事如兄退食資進取
歸而告萱闈吾將治鄰魯母曰其敬哉慎勿愧三釜
孝子壽其親在德不在組恭逢設悅辰觴罷綵衣舞
仰觀慈母心欣然聞召杜舉觴以賜侯仕矣仁有輔
所願男子弧揮作蒼生兩父老歌堂階高賢入城府
太和家庭間盛哉循良譜

夢雲門訥生

仲冬有五日中午夢徐子就余問五行果否真宗旨

余曰大哉問數也而兼理五德生所俱曷不求乎邇
馮子適在旁正襟肅而起曰惟素心者印証乃如此
先生善誘人願俾聽者喜覺來嘆神交砥礪愧牝滓
誰云寤寐間所學能已已

哭胡館師菊潭先生用見贈元韻

玉署承嘉訓修持敢自卑迹因揆席遠神切絳帷思
汾水驚哀訃蘿山續輓詩津涯曾有問桃李本無私
學易中和備傳心授受丕百年留絕筆吾道愧彰施

師貽書有云僕邁矣恐不
及見高賢之登道岸也

輓趙洞門先生用贈余歸養元韻

藤陰話別正康娛不信年來變可虞烏府上書思獻
替螭頭曳履失匡扶六卿誰與題丹旆一劍何能掛
白榆聞訃已知歸去矣招魂復問舊尊鱸

輓同年楊猶龍方伯用贈余歸省元韻

白雲深處是吾廬有訃驚傳六月初左轄官留西蜀

恨右軍名重上林書

公先奉世祖命書

浣花有句瞻鴻雁鉅鹿

無書托鯉魚哭罷故人無一語自窺雙鬢已踈踈

輓李退庵少司寇用贈余歸養元韻

請急南旋事不聞傳來凶問忽紛紛故園孤陋空餘
我南國風流竟失君十載肝腸留翰墨一天風雨罷

耕耘可亭竹樹依然在哭斷江東日暮雲

輓同年楊賢甫少司馬用贈余歸養元韻

携得高吟去國門思君常傍九重闈濟人古道追前
輩醒世名言布 聖恩身後始知司馬重朝班不見
侍郎尊素車白馬何時弔淚灑畿南日已昏

輓曹厚庵學士四首

居業書成志不移一生功課影衾知只今 御座談

經處道學應垂 聖主思

二

道誼深深接面踈省中春樹果何如當年侍從無休

暇今日空留翰墨書

三

譚子遺孤托死生歸家正好報嬰鳴可憐客舍仍相
托魂去悠悠漢水清

四

一從東魯問真詮萬古天倫在兩肩常德黃州身去
後不知誰氏衍薪傳

輓同年晉長眉銀臺

庚甲相同譜亦同兩心常對月明中報君一札無人
拆西望雲山弔北鴻

春日送太守蔡公介磁陞任去雲中

雲中古戰場循吏以佛稱雖現宰官身不談最上乘
惟有蒲作鞭兼之心飲冰殘黎有幾個雛鳥纔飛騰
忍令父若子避家如避矰 聖主子吾民臣敢博廉
能夙夜前請命廢食涕沾膺十一州邑間長照光明
燈稱佛雖怪誕愚口曷足懲昔日余九江祝頌多異
徵卮言當左券庸敢比百朋

壽胡年母七十兼寄東甌

十載交胡子胡子有老親鴻雁度桑乾動定相咨詢
稔知宦未成兵燹留孤身歸來慈顏好那復知艱辛

書巢貯千卷几榻生綠塵著述寧在多温故而知新
堂上時垂聽婆娑移天真今年夏四月為介七袞辰
遶膝長蘭芽入座無雜賓三公不可易一日足清貧
古人以道養大節何嶙峋胡子登我堂余慚拜母人
舉觴誦里語太和一家春

喜劉輿甫貢士過蔚寄孫退谷先生書至

不遠榆邊路騎驢過馬頭

名山

因開良友札想為豎儒

謀事後心多悔醒來夢亦羞留君商此道莫負太原

遊

時將
遊晉

次韻贈苗凌漢先生自河曲見訪

携所著明經錄

大道久榛棘餘姚倡良知良知何由致求仁平日時
傳說日紛亂格物謂支離我讀明經錄豁然釋前疑
考亭貴窮理古今寧外茲願言敦踐履方寸有餘師
輓韓聖秋兵曹

強半交遊付太虛論心秋舫憶君初原因道學稱朋
友故枉詩篇問起居一代幾人言未絕百年何事夢
全踈臨歧佩取歸宗意贈我橫渠一卷書

甲辰秋李恒嶽妻兄見招水心亭晤胡東甌同

年留詠

得遲字

遊事經年少煙雲總不知欣聞長者命特與故人期

白水穿林過蒼山入座移欲歸還對語返旆若遲遲

老母七十六誕日紀事 甲辰

一齒今年乍落雙眸入夜猶清藥嫌參朮歸芍食喜

椒薑菜羹 康熙六年六月二
十五月初落一齒

二

舊恙全然脫體癡兒幸免迴腸不爭膝下三祝且錄

囊中一方

方名香枳湯藥三味枳殼防風甘草也載壽親養老新書服一劑諸症悉痊先是求南北醫者方俱不效老母憚於藥命勿進

凡兩月餘忽秘結七日象樞檢方得此遂投之時十月二十七日也

寄同年魏貞庵先生

墀頭曳履氣冲融四海英賢夾帶中啓事舊推山吏

部黃麻新拜漢三公百年兢業關臣誼一體中和佐

聖躬為報高堂能健飯莫勞書札更相通

宋烈女未嫁殉夫作此紀之

磨笄山下結靈奇閨閣千年有素姿僻壤幾曾嫺內

則天良原未着人為心堅媒妁牽絲日命絕郎君折

玉時聞道總帷風瑟瑟不教人哭有情兒 女名典姐蔚州
衛西崖頭人督

學使蕭公採風 上聞
如所請建坊旌表云

二

連朝風雨黯孤村彷彿乘鸞月下覓井白未操應有
憾絲羅一斷更無言千章梓木棲雙鳥三尺桐棺泣

獨猿不數悲歌燕趙士史官別是一評論

送王允升廣文歸陽城

蒹葭白露此清秋聲氣欣從物外求人是老儒應好
問學因野獲更多謀微官有分平平作大道無私漸
漸由歸去寄言諸素友恒山西望路悠悠

老母七十七誕日紀事

乙巳

歲序乙巳冬孟月之六日恭逢設帨辰慈壽七十七
齒進德彌邵素心惟樸質三澣衣未除重念絲成疋
舉步良云艱坐卧常不出床頭一指揮家人凜師帥
寢興必以時平生恥自逸族黨競紛華聞之若有失

屆期請開筵母曰願真率慈命那敢違菽水遶雙膝

張慧一貳尹以運餉歿江寧櫬歸陽武內君表

氏哭絕食夜縊官署死之各賦二詩紀事

大江南望水流漸輸餉微臣畢命時萬里間關覓不
定祇依難弟與孤兒

二

一郡爭傳孝友聲渾金璞玉是平生於今夫婦捐軀

日始信家人卦已明

慧一治易

三

不同藁葬不迴車大節先留博浪沙怪道蔚蘿閨閣

女人人灑淚說張家

四

春來乍見從夫女臘月驚聞女丈夫靈氣百年今日
合城邊老樹泣雙鳥

蔚州鄭侯惠朝衣一襲志謝 有引

朝衣著廿年矣 予告家居朝 賀禮罔敢廢州大夫鄭侯數見
之謂緋非 國制又短窄弗稱而且敝焉遂解新制贈余既拜受
因憶甲午春分以吏垣長陪祀 朝日壇侍班候 駕過 世祖
章皇帝左顧呼名大笑聞之者曰笑魏給事緋衣也今易此以章
州大夫之惠然不能無感於疇
昔云時乙巳十二月廿八日也

廿年前製一朝衣伴得 君恩下紫微拜舞敢忘呼
聖壽歲時儘可慰春暉每思 朝日趨陪罷曾荷

先皇賜笑歸郡伯解來真 國體不因輕換舊牙緋
元宵侍母看鄭侯見貽花火
策杖庭堦步已難上元時節怯輕寒郡侯曲體承歡
意火樹温然贈母看

二

千枝萬葉結明燈比歲元宵見未曾不是太平真樂
事慈輿那肯到松棚

懷仁縣于生懷漢出家穀千石賑濟饑民曹秋
岳兵憲賦詩美之屬余同作

懷仁黑子邑殘疲綴雲邊雲邊盡瘠土沙石滿平田

畝收三斗粟擊鼓慶豐年彼蒼安可必旱潦何連綿
糠粃值珠玉萬竈絕炊煙穉兒哭無力老翁跼呼天
頻年逋國賦生聚已蕭然老穉一死足門戶倘苟延
苦勸壯丁出就食蚤言旋那知出不返白骨棄荒阡
雲中有鄭俠繪圖 天子前遣使賑諸郡田租賜全
蠲忍餓待 恩澤義士增涕漣念某蓄千石躬耕聊
自全會看閭黨盡一家擁橐餽官長廢寢食願以濟
羣瘼憶昔甲午歲凶歉獨蔚川有民好義者按里名
煖泉捐賑閱兩月全活累數千種德那敢道萬口空
留傳嗟今俗漸薄避義如避淵問彼士若民誰爲着

先鞭我讀紀義詠表率賴高賢少陵稱詩史於茲復
見焉同室慚閉戶流汗續新篇

美直隸督學使者蕭公

名惟豫山東德州人翰林侍講

侍從持衡迥不同邊隅彷彿認青驄懸知畿輔人文
地委巷兒童說至公

二

一柱中流勢欲孤冰心耿耿是吾儒自來學術淵源

繫始信歐陽得太蘇

蕭爲同年王近微山左所得士

目前推轂急宜於此真飲貪泉而不易者 周體觀識

送徐子遜學憲試竣

借才農部體雍容晉國衡文 帝簡中絳帳晴開勾
注北青藜夜照五原東八章約法尊天理一點虛心
起士風砥柱狂瀾吾輩事願同畿輔頌蕭公

再讀蔡汝濱先生集敬賦

曠代思君子百年見此人淵源從粵海嫡派屬汝濱
行業吾儒貴圖書後裔真焚香還靜讀今日媿天民
夏五月芥園侍母看花二首

藥欄簇簇鳥關關手挽慈輿綠樹間最愛亭前香不
了一迴風過一開顏

二

花陰密密草芊芊移得床來樹底眠撲蝶兒童驚夢
覺始知紅日到西邊

七月二十三日夢張伯珩同年卒於官

一友天何吝中宵欲問之斯人猶不幸吾道竟難知
盡墮鄉邦淚空勞夢寐期自傷年五十孤立鬢絲絲

張公兩淮三秦皆有遺愛左遷尤非公
議先生固爲世道惜也 王士禛識

八月十七日伯珩中丞訃至蔚州對使哭之並

輓王允升廣文

已到傷心處何堪又哭君十年雙涕淚一縣兩高墳
練帛招開府寒漿酌廣文舊時聞道語遺稿未曾焚

允升著有
夢易解

老母七十八誕日紀事 丙午

翠屏崔巍壺流清一菽一水此中生時和歲稔天地
德民安盜息山川榮官長爲政持大體千村雞犬何
曾驚晨昏碌碌侍慈母慈手加額頌昇平上托天
子下祖考七十八度春秋更白頭滿眼幸無恙膝下
謾言舉兕觥稽首 北闕致拜跪倚杖東祠看粢盛
年復一年敢忘報食息視聽真生成拜罷始受兒女
祝起居不文惟至情一家黽勉事耕讀共體百年葵
藿傾諸孫穉幼兒老大祇愧難貽堂上名

丙午孫退谷先生七十六初度寄祝四章

二氏紛囂甚吾儒不肯爭先生肩此擔若輩假何名
說與存仁訣分開約禮程固然先太極不使後人驚

二

一代推班馬先生重考亭胸中全史在筆下萬人醒
學術真前輩文章本六經自翻諸典故心在幾千齡

三

日寫蠅頭字七旬有六人摩娑惟卷帙移易及鄉隣
世啓文明化天留著述身聖王諸制作今日欲重新

四

十載官都下龍門數數登執鞭誰不願問道我何曾
一坐春風晚中年夜氣興悠悠勤夢寐念念得師承

退谷先生白首著書經以爲經史以爲
緯先生固非溢美者

王士禛識

李天葩內姪因讀禮謁余共談家禮

萬事浮雲總不真忍將格套奉天親蔚蘿亦是敦倫
地幾見麻衣讀禮人

並蒂菓獻母歌詩紀異

異菓何曾見吾家歲歲生並花仍並蒂連顆復連莖
葉似姜公被根疑田氏荆至人齊萬物草木豈無情
送蔚州鄭侯內擢刑曹兼詢舊時諸老五首

六年出守在邊陲一望行旌繫所思宦蹟每從功令
見苦心安問士民知月明雞犬村無擾雲卧桑田版
不移俗返陶唐還有意他年好記舊遊時

二

講學堂成道未成慚予涼德負深情高談不減鴻儒
望大雅真超俗吏名佇看修齊爲事業願言忠恕是
躬行即今 聖主明刑切力佐臯陶廣好生

三

升堂拜母誼何如爲別萱闈問起居敢謂子民堪敬
式重勞司寇及門問官衙自惜無竿牘都下從今絕

寒松堂全集
鴈書倘念一家依樂土不衫不履任迂踈

四

全將道誼與仙曹大器從今日日韜晏子衣裘當世
諱于公門第古人高胸無一我才方著志必千秋氣
更豪六載交情真似水贈君猶自愧綈袍

五

自從乞得綵衣還身在庭闈近十年咫尺京華踈翰
墨低徊時節憶班聯迂人祇合耕耘老腐氣深愁話
語顛天上故人如問訊山中菽水正悠然

保定劉敷季至蔚以講學文二章來見即贈

大雅猶能見脩然一布衣乍逢如有舊相對已忘機
抱璞驚雙璧觀星接少微庸齋留片席別去寸心違

富平李天生至蔚以長歌來見即贈

讀盡書千卷知君有夙根平心搜理窟老氣逼詞源
既見真如醉何時進一言歸家須努力經史待評論

寄懷趙錦帆同年遊鴈門

勾注山前草色新故人騎馬渡河濱中原才子知誰
健上國仙曹向我親風雨半催詞賦老弟兄猶剩鬢
毛真少陵出塞詩無敵莫諱東西南北人

張爾成自中州郵寄詩集即用集中韻奉答

可亭風雨夢相尋喜見春鴻接塞吟入部山川多異蹟中原名碩半知心碑銘朗誦文皆籀卷帙重封字有蟬爲報蔚蘿衣綵後幾回東望五雲深

再哭張伯珩憶己亥同田沛蒼太史餞余北郊祖席分雙袂間關逾十年居然言笑隔忽爾死生傳道誼中丞淚文章太史筵鄉人思舊德應薦社雲邊應州傅侯攝蔚篆事竣走筆補看花之約十首美人爲政坐官衙四月邊城始見花讀罷道書無箇事相將一過野人家

二

杏花開罷李花香四面芳菲接短牆近日板輿仍未出特邀五馬踏春光

三

霏霏小雨濕新苔携得奚囊入座來無句不留風雅在稔知仙吏是仙才

四

暮春歸去尚尋春一派天機我輩人遲早尋來春不遠莫教空負百年身

五

草色花香共鳥啼醉翁無酒醉如泥誰將可對軒中

話敢作風雲月露題

六

琴音彈罷自和平况復殷雷耳畔轟座上莫嫌賓客少廣文還有一先生

七

談文講學通家子揖讓從容事可觀他年若露真頭角始信尼山道路寬

八

同春亭上樂何如四野桑麻一卷書爲報土人春信好清風明月照吾廬

九

蔚城元氣凋殘久滿眼春光天地心不信但看亭畔草生生化化到於今

十

神交十載欲忘言忽有車音到芥園九十日來瓜李迹一時磨去總無痕

送曹秋岳憲使陞任去雲中

西北三關天下雄 神京右臂古雲中當年魏尚曾出守至今千載著豐功 聖朝有道藩籬撤白草黃沙中外截土人耕牧傍孤邨健兒空荷轅門鐵一從

吳松堂全集
戊子耀攬槍將軍跋扈據高城城中男女千萬戶纍
纍餓骨連軍營 天戈一指巢卵破收拾殘黎有幾
箇緬昔捧 詔此停驂蓬蒿没人不敢過十年惠邀
我公來清風吹起劫餘灰地向陽春看絕塞人從法
憶望三台猶憶京華寮案輩公居大隊余小隊 天
子首呼曹侍郎爾才未合官廷內 太和門下承
天言襍被從容辭 至尊東西南北敢告瘁會看曳
履上金門小人有母陳情久每逢驛使辱公口一菽
一水奉晨昏安能縮地執公手執手漫躊躇吾
儒經濟果何如 廟堂忽爾重守令歸向瓶山好著

書方今海內競異學知覺心性紛相角誰說躬行實
踐人徒張空拳沒把握我公行矣勉加餐天生我公
閉戶難萬物同春有大願終爲蒼生起謝安

中秋前三日程西雖學博招集明倫堂論文令
子仲寧暨長孫同小兒侍座

幾年投契廣文瓊每對先生意藹然素性從知心似
水大文真羨筆如椽高談月下無詞賦淺酌杯中有
聖賢更喜兒孫頭角露一時相見果翩翩

祝李恒嶽妻兄六十初度

大茂何崔魏佳氣結蔚谷中有餐霞人隱居課耕讀

孝友性所成舉火暨三族惠及里黨間任邨不勝錄
義在則勇爲遑擁吾家蓄以茲好禮心潤身兼潤屋
與人若春風對之溫可掬兒孫兩三世謙讓貽之福
舞綵遶膝前菊開酒先熟康哉杖於鄉大年從此卜

老母七十九誕日紀事

丁未

比歲無他恙違和獨此年嚼冰如美食啖菓代烹鮮
四體浮難動中央滿更堅疑爲虛已誤認作水尤偏
胃痛腸多秘腰疼血屢便直攻猶未合峻補豈宜然
診脉知洪數察形識變遷不妨行積滯兼以用開宣
嘗藥心靡定知醫道未全分消丸始製敗毒散初煎

利下真盈百艱辛那計千春來秋計杪食入寢安眠
十月逢初度一家省夙愆親朋惟道福子女盡呼天
此症何曾見吾慈竟得痊駐顏休問酒謝客不開筵
夜夜圍燈下朝朝坐膝前從知勤儉德况賴祖宗賢
變淚成歡笑存方記後先五旬兒有幸百歲壽無邊

翹首輿亭月重虧復大圓

三月二十日晨起腰忽痛閏四月初九日痛纔止坐堂中時復感寒渾身冷顫

微汗乃止二十三日胃痛腹脹甚服涼劑牛黃丸三痛止日啣冰塊至十餘碗
服木香流氣飲不效六月十五日起服分消丸半料一月之內瀉百次日啣西
瓜一枚食始進八月二十六日起服金匱丸半料之半九月十六日服消風敗
毒散一劑身腫漸消九月二十四日起服神芎丸半料腫消過半又服半料全
消至十月初六日神氣已復生平勤苦事悉記憶不忘尚未能下牀舉步
是日槩辭親友勿拜賀兒孫輩代母叩家祠不令稱觴惟坐卧自適而已
語云弓矢始於古之孝子益知素問難經爲後世之仁人衛護其親而作
也岐伯謂帝曰目明心開而志先慧然獨悟曰神細玩引與什純以神行

殆所謂執玉捧盈視於無形聽於無聲者耶合參祥之思慮會桐俞之聰明自季春念日暨孟冬初旬幾與造化爭能仰留一息於慈闈即是密復一元於大塊聖若賢參高配厚之業莫不自此中流出天下文章百代風雅有大於此者乎遐流孤露抱恨終天之人讀之一字一血思先生京尹時一疏過量之褒反覺不孝浴忤罪如山矣燈下低徊慚悚萬端骨折心驚有如此夜 郝浴拜識

題小品圖為老母病牀展玩

坐卧床頭一步難權將景物解心寬世人多少傳家寶幾向慈親手內看

坊成老母有訓

進士坊成祖宅門板輿相過誠兒孫身榮莫作誇鄉里字字標題紀 聖恩

戊申元日隨州大夫朝 賀恭紀 新政頌而

祝之

七載朝天闕乾綱獨攬時大恩推撫字 特定夏稅五六月秋糧九十月

開徵仍嚴 究私派 督撫者不 限資俸 名諫黜華靡 禁士大夫奢侈 及蓄養優伶 吏簡封疆重 保舉才望 賢能堪任 權行賞罰宜 議復舉劾 並行之例 抄來新報紙勒作太平

詩

讀沁州郭靖寰先生傳敬賦二十韻告三立祠

汾流接大荒地氣滙山右河津安絳間道學稱淵藪
沁水分二支土俗歸醇厚州序有舊祠昉自三不朽
惟人不惟官俎豆良非偶明經郭先生從祀日已久
我讀外史傳肅然為俯首世間節婦多義夫幾曾有

結髮嬰惡疾中年擲箕帚兒女三四人依父以為母
糟糠不下堂二豎何足醜晨夕勸加餐寒暑浣衣垢
撫恤三十年敬之如賓友或云置小星先生謝否否
艱苦吾備嘗士行終不苟高風播於鄉膾炙千萬口
歲時採蘋蘩父老酌春酒孝哉廣靈君隕涕感下走
余也愧腐儒安得獻一卣所願操蕪詞告曰蔚州某
老母八十誕日紀事戊申

君恩特許侍萱堂八十春秋始進觴菽水敢言酌聖
善 絲綸蚤得荷 先皇姻親里黨持華祝碩輔名
卿賜錦章鶴鹿疑隨萊綵舞兒孫樂擁板車忙一登

一拜慈顏喜百咏百歌淑氣揚門內好風惟洩洩郡
中懿範自洋洋全因令德邀純嘏詎有微誠格 上
蒼閩壽齊坤四個字天風吹到壽筵傍

四月朔日興亭甫設壽筵南風忽作

吹一紙於亭上拾之則刻書如掌大首列閩壽齊坤四字餘字多不成讀存此以志老母平生盛德之感四字甚莊凝如古易林可刊碑於亭紀之 周體觀識

贈苗凌漢老儒

愛爾真儒者安貧樂道深老成人在目慷慨話其心
腕下書堪寶囊中易獨尋公善大書所著有易酌升堂復遠去著作
望佳音

贈潘藏山隱者

又自烏龍出升堂拜老慈酒漿隣里惠瓜菓歲時貽
有覺山人夢無聲孝子詩年來思靜侶報與白雲知
水曲盡升堂拜母情

贈李晉陽貢生

贈徐次履文學

乍讀奚囊絕妙詞年華恰在棄繻時通家一見真嫌
晚爲愛孫郎帳下兒

戊申八月十五日秋分是夜雨時聞災異求言

之諭有感

百年幾看中秋月况復秋從此日分林壑豈能窺燹
理歲時恰好罷耕耘封疆自隕臣工業宵旰偏勞

聖主勤異變驚心齊魯甚一封白簡未曾聞

時聞東
撫貪劣

和李吉津先生見寄元韻

一身東去已忘言十載龍荒道自尊口授生徒宗闕
里手携書卷入關門夢回謫客詩誰好環賜孤臣
旨尚溫曾向泰山山下問誤將佳話作啼痕

孫鍾元先生惠詩爲老母八十壽次韻答謝

蘇門天地空無倚眼角浮雲同敝屣廿年遙望歲寒
居有客傳來洛陽紙南陔白華孝子詩開械頌母慈

顏喜憶昔曾讀講學書雪在程門不踰咫一言一行
海內師問道有人何必已予也五十愧虛生矻矻終
年窮四子八十高堂菽水餘尊聞行知盡此耳安得
一月坐春風看遍千紅與萬紫

戊申十月王蓼航同年惠將母歌爲老母八十
壽是歲太夫人同八十奉和近體二章一補
進觴一奉懷柿庵

太行相望白雲停身傍萱闈戀 闕廷秋過大河干
樹碧夢回東苑一編青長林竟夜分藜火兩地經時
看婺星吾輩駐顏文字在不須燕市買參苓

二

曾向東華聽玉珂共君先後入煙蘿月明狐口同人
隔星聚蘇門好事多梁苑屐痕歸霧豹汴城秋色上
銅駝年來卧雪餐雲罷一坐春風更若何

時孫鍾元徵君
講學蘇門山中

次徐雲門憶蔚韻四首奉懷

一回相見一聯床歸去脩然卧草堂開卷幾曾分內
外閉關無處着閒忙墨池雲懶吟常足籬菊秋深采
自香正是春風雩水亞可來鄒魯認宮牆

二

不衫不履芥園居月露風雲總緒餘舊執還多誰入

社中年已過合懸車酬君好夢松間石慰我平生嶽
下書幾向白登深處問晚年歲月莫成虛

三

同春亭上惜交遊愛爾閒登百尺樓世事紛紜隨夢
鹿吾心寂寞付江鷗圖書氣合真無字菽水情深幸
有秋近日歌詩兒亦和詩成那解是還不

四

天地無窮道不窮那曾一月坐春風眼中人物憐君
老海內文章笑我空兩世通家看後輩千秋大業問
天公往來多少嘔心語化作煙雲護藥籠

哭刁蒙吉先生二首

十一月二十九日訃至
爲位于授經堂哭之

問病人歸訃已先披衣讀罷淚雙懸吾儒豈合斯人
死永訣仍存未了緣鴈字投交辛丑後麟書絕筆戊
申前好將劄記名山護獨破禪宗翼聖傳

二

麻衣哭母病相侵易篋終違枕塊心有子有孫天地
憾無官無爵日星臨百年公論歸吾黨半句讒言是
好音倘得先生靈爽至窓前一聽伯牙琴

冬杪答成我存燈下見懷詩次韻

一代儒宗推輦下空來北地覓津梁時當力學官爲

隱性不趨炎暑自涼伊洛淵源今日續尼山嫡派幾
人倡頻年未得同心語轉眼春風看綠楊

李桂萼內姪惠水仙花為老母供賞

香風孃孃影翩翩傲玉凌霜是水仙為報萱闈春色
好一枝獨立塞雲邊

二

荆園歲歲長名葩來自江南種更嘉昨夜春寒寒未
歇和風和雪到吾家

同徐雲門李蓬萊過柳林

一派風煙萬柳深高朋賢主足登臨枝枝葉葉難窮

處想見當年種樹心

種樹者余姻家李文明也

渡桑乾同徐雲門

長河自西來萬頃白如練俯仰百尺樓大塊之一線

二

往來涉大川栗栗生恐懼歸去報慈闈世境難跬步

過小關嶺同雲門衝風而行次南曠見贈韻

四月十五日

四月披裘度小關緋桃處處亂煙鬟無言說夢心難

穩

夜夢母病驚覺遂不復寐

有客同歸意自閒一部河山隨我過十

年風雨共君刪平生竊望山能學不信山中更有山

已酉孟夏雲門枉過庸齋值七十六初度率筆
為壽

七十六歲老處士一百餘里來高蹤明月正懸北堂
脊長河自盤西嶺衝開卷弄詩視而笑舉觴言壽涼
以恭遙知故園庭草綠兒孫羣望蔚蘿峰

雲門既歸白登次見別韻却寄

嶺上諸峰斷復連大河明滅望中懸千紅萬紫來時
興一日三秋別後年窓草日隨庭樹發青箱夜共白
雲編臨岐多少真憂喜未敢題詩附錦韉時老母抱病

輓馮秋水方伯兼慰訥生

廿載論心氣味同鴈門一望朔雲空棘人已抱終天
恨腸斷孤兒旅夢中訥生官國雍

輓馮恒山侍御時聞秋水方伯訃

草土空餘病一身哭君兄弟倍傷神迴思同列趨
朝日不見當年鐵面人

弔喬母即慰喬生

內則條條古今儀吾家壺範爾家知可憐哭母輿亭
日又是喬生哭母時余建輿亭喬生董之

輓應州左翼宸前輩用已亥贈答韻

聞君卧病在冬初歲暮平安信已踈忽見鄉人傳遠

訃可憐孫子抱遺書一生清白惟茅屋八袞窮愁但
野蔬幸得有棺函素骨銘旌和淚托雙魚

輓李繪先學士

學士論交一味真素心耿耿對秋旻憶君辛卯衡文
事猶是中流砥柱人

二

聞說功名念已灰尊鱸常愛碧雲隈如何卧病秋江
上箕尾飄然去不廻

輓袁九敘同年巡撫山左卒於官

用己亥贈余
歸養元韻

節鉞重開撫二東清操惠政許誰同百年鼎望歸梧

鳳數載深勞起澤鴻風雨漫催雙鬢老弟兄真惜此

人空回思藤館分襟日蕭索秋心寄野蓬

公初
撫滇

輓曹孝子廣攄

順天大興人翼
宸先生仲子也

幾年都下缺寒温客到爭傳孝子門一念告天霜作

刃三更和藥血留痕全歸全受心何憾無古無今道

自存定有英魂依母側時來隱隱慰晨昏

哭孟淑明先生用祝先母八句元韻

太原門下士

樞受知先生
時為太原令

夢裏祝龐眉

久擬為先生致
八句大慶詩

萬善

心無忝真清世共知寄書生死恨

先生書至蔚州祝先慈八
句時已見背樞報書候先

生起居未達
先生亦逝

聞訃性情移華嶽高千尺斯人不可朽時

先生
秦人

解法周同年自瓊州歸至蔚仍歸朔州送之
握手秋山外論心多難餘一身元是幻萬事總成虛
守拙耕殘土傳家理舊書南窓高卧處天地復何如
解法周同年六十初度

綺筵開舊宅萬里一歸人把酒呼霜鴈題詩問石麟
醉醒都是夢歌笑總無因惟有恒山月年年照此身
蔚州煖泉瑞藻生

曾聞十步草恒豐對爾真堪課治功樹芭王風今宛
在如虹霸氣舊稱雄千條綠鎖煙光裏一本青滋地
德中我欲臨流思口澤
先君曾言
前次藻狀滿頭霜雪路偏窮
時余

丁先
慈憂

二

煖水寒英簇簇奇溯洄風起蕩漣漪仙槎客泛凌霄
影異卉誰栽太液池花甲蒼茫追往蹟芸蓀馥郁鬪
芳時回看榜葢聯翩盛補入環滁醉後詩
前登秋榜
五春榜一
妻兄李恒嶽仁里八景各賦一詩

平觀翠岫與丹楓一望東南眼界空分我半間新屋
子有時來坐白雲中
懸崖曉望

又

長天漠漠晚陰陰大壑飛湍百尺深夜半濤聲來枕

上猛然驚起讀書心 夏雨澗濤

又

四月邊城秀麥禾滿疇搖曳綠痕多主人自有躬耕
樂雨雨風風醉碧蘿 平時麥浪

又

拂雨搖風薜荔俱垂垂古堞晚香殊天生一幅黃花
譜寄與陶家作畫圖 古岩牆花

又

月度榆關別有天半鈎纔掛碧雲邊不知峰下詩人
宅多少清光到榻前 臺峰新月

又

石門煙火一村餘中有幽人世卜居試向岩樓高處
望幾家密密幾家疎 晚堡炊煙

又

素雨漫漫向夕催半秋秋色老崔嵬分明摩詰詩中
畫畫出蒼山白雪來 秋山初雪

又

塞上春深柳犯黃殘冬猶自飽清霜可憐數點寒鴉
過飛向枝頭坐夕陽 陽坡凍柳

詠芥園芍藥三種

幾朶紅雲映北窓好花誰護碧油幢晚風吹動渾無
語却對朱霞未肯降紅

又

滿園風雨鬪羣芳萬卉叢中一簇香不是紫微仙署
裏藥欄却護紫薇郎紫

又

在家兄宅

輿亭亭畔月華明紅紫相看弟與兄忽念鶴鴿飛故
宅綠陰深處雪盈盈白

送女于歸西洪因與雲門期會李晉陽齋中

報書曾與老翁期即約桑乾再渡時仕宦情因華鬢

改婚姻事許故人知冰橋五里溫將泮煙柳千枝嫩
欲垂此夜文樓高百尺焚香坐看斗杓移

余將入都次雲門元韻預祝八十兼別

仙骨稜稜望八春披裘帶雪馬駢駢知君古道憐朋
友顧我虛名愧子臣嘉會已從期會得離情翻逐宦
情新青山白水真元氣好助愚狂叩玉宸

蔚州佟侯贈朝衣一襲爲贐賦謝

病解朝衣分所安 綸音飛下五雲端平生愧讀長
沙傳垂老新彈貢禹冠樗櫟豈堪栽上苑駑駘那敢
附和鑿多君贈我朝天服滿袖爐煙 聖主看

壬子七月病餘奉 召入都別鄉中親友

十年菽水 兩朝恩母去空留視息存
心憶北堂終有憾夢回 丹闕更何言
田園好辦租兼稅兒女粗完嫁與婚
一綫殘軀那敢愛排雲咫尺叩天門

二

山色空濛柳色殊蕭蕭匹馬自躊躇
宵衣旰食真英主摘句尋章一腐儒
門內有人祠祖父口中無語別妻孥
九重若鑒微臣老定許知章乞鑑湖

寒松堂全集詩卷六



